

Gvangjsih Minzcuz Bau

Guenjbanh: Gvangsiah Bouxcuengh Swcigh Minzcuz Cunghgyau Swvu Veijyenzei

Okbanj: Gvangsiah Minzcuz Bause

广西民族报 Aenhauh okbanj: CN45-0036 B.2021 Nd.10 Ng.13 Liggaeuq sincouj nienz ndwengouj cobet Geizsoq: Gungh daih 3494 geiz Geiz neix 8 banj

Ngoenzgyaj Guekging Daengx Gih Ciep-daih Bouxhek 3611.4 Fanh Vunzbaez

国庆假期全区接待游客 3611.4 万人次

Ngoenzgyaj guekging daengx gih gak dieg cungfaen guhndei hong yawhfuengz binghraq, cujciz banh hozdung lai cung lai yiengh, dazyinx ginzung ok rog baeyouz. Ciuq gyoep-suenq, 7 ngoenz guekging, daengx gih ciepdaih bouxhek 3611.4 fanh vunzbaez, doengzbeij demlai 26.8%; saedyienh lijyouz sawjcienz 272.41 ik maenz, doengzbeij demlai 38.4%.

Saekhoengz lijyouz dwg giz-hoengh ngoenzgyaj guekging, daengx gih gak dieg saekhoengz lijyouz vunz lai vunz daih. Gveilnz Si Cenzcouh Yen dieg geiqniemh ciengz ciengq Sienghyangh hungzginh cangzcwngh banh aen yizsiz hainduj baeyouz yenzgiu hagsib; Gveilnz Nanzhihsanh Gunghyenz daphwnq diemjdwkgaj danqhaenh guekcoj, soengq mbaw geizguek iq caemhcaiq gunghawj buh-

vaq hungzginh hawj bouxhek ingj-siengq; Nanzningz Si dieggingj Gunh-lunzgyanh langhbaij doz 《Angqhoh Cungguk Gungcanjdangj Laebbaenz 100 Hopbi Nem “Bak Bi Yinghle” Daengx Gih Cunzdauq Langhbaij》 daengj hozdung……

Daengx gih gak gaep gunghung duzsuhgvanj、vwnzva’gvanj gaenx-maenx haiguh hozdung, gungh fugsah bouxhek 140.57 fanh vunzbaez. Liuj-

couh Si Ginzung Yisuzgvanj banh hozdung baenzroix hawj bohranz caeuq lwgnyez baeyouz, Bwzhaij Si Vwnzyi Gyauhliuz Cunghsinh daengj danhvei guh hozdung langhbaij vwnzyi cozbini daizheiq maenhndei Gvangsiah “ciengxlwenx riengz dangj byaij” angqhoh Cungguk Gungcanjdangj laebbaenz 100 hopbi daengj, ndaej-daengz bouxhek haengjgyaez.

(Vuz Libingz)



Guh Doengznienz Gvaq Cietndei Hoh Fungsou

打同年 度佳节 庆丰收

Ndwen 10 ngoenz 5, ciengz hozdung “guh doengznienz · hoh fungsou” ndeu youq Yungzsuij Myauzcuz Swciyen banh, aen hezvei boq aenvenz ndaw yienh bae daengz Anhdai Yangh Siujsangh Cunh Cinghsanh Mbanjmyauz, doenggvaq haiguh ciengq go haeuj mbanj, boq aenvenz caeuq guh doengznienz daengj, angq gvaq guekging、angqhoh fungsou.

(Lungz Dauh)

500 Mbaw Vujsingh Hungzgiz Youq Mbanjyauz Mbinyagyag

500 面五星红旗在瑶乡高高飘扬

Mboengqneix, vih angqhoh Cunghvaz Yinz-minz Gunghozgoz laebbaenz 72 hopbi, Majsanh Yen Gujcai Yauzcuz Yangh Gujdangz Cunh aen doih guhhong youq mbanj gag okcienz cawx 500 mbaw vujsingh hungzgiz soengq hawj Gujdangz Cunhveijvei. Ginzung Mbanjyauz rox le, couh gag hwnj bya bae raemj faexcuk ranz bonjfaenh ma guh ganjeiz, faenbied aeu vujsingh hungzgiz baek daengz dingjbya Byaginzbangi dieg ceiq sang Gujdangz Cunh、bakcanz dingjlaeuz caeuq song henz loh bae. Doengzseiz, lij venj henz gai bouq gaicawx dem, yinx ndaej haujlai bouxhek daeuj youz yawjngonz ingjsiengq.

Mboengq ngoenzgyaj guekging, Gujdangz Cunh cujciz dangjyenz ganbu ginzung Mbanjyauz youq dingjbya Byaginzbangi dieg ceiq sang Gujdangz Cunh, haiguh le “dingq dangj gangj、gyo’mbaiq aen dangj、riengz dangj byaij” cawjdaez hagsib gyauyuz, banh swng geizguek、hwnj dangjgo、son’gyauq fuengz doekraemx caeuq gyaudoeng ancienz daengj baenzroix hozdung. Hozdung sat le, caezgya coh geizguek gingqlaex、

caeuq geizguek hab’ingi, habciengq 《Gou Caeuq Guekcoj Duh Gou》《Danqhaenh Guekcoj》daengj go gyaezguek, caezcaemh gangjok ganbu ginzung Mbanjyauz ndiepgyaez caeuq hohfuk Cungguk Gungcanjdangj、guekgya hungmbwk, caemhcaiq maqmuengh ndaej gvaq ndwenngoenz gyaundeil!

“Neix dwg mbanj Gujdangz Cunh baez daih’it youq dingjbya Byaginzbangi swng geiz-guek, hix dwg cungj fuengsik gyoengqdou daiq ginzung Mbanjyauz hag lizsij dangj ndeu. Gujdangz Cunh yienznaeuz vutgunz le, hoeng goekdaej lij mbanj, doenggvaq hag lizsij dangj daengj baenzroix hozdung hawj ginzung Mbanjyauz lumj ngveihsigloux nei got ndaet caemh-youq, cukmaenh gij eiqsik caezcaemh Cunghvaz Minzcuz, gyalai gij saenqsim caeuq yiedcingz ginzung Mbanjyauz guh saeh cauhnib.” Gujdangz Cunh dangjcungjcihu suhgi Banh Yaujmeiz naeuz, coglaeng lij lai aeu gyaed dangj gyaed guek gyauyuz yungzhaeuj ndwenngoenz ginzung Mbanjyauz bae.

(Majsanh Yen Yungzmeizdij Cunghsinh)

Cuengh Gun Song Vahsaw Hag Coenzgim

壮汉双语学金句

Doxndei、doxhuz、doxngamj dwg gij leixniemh Cunghvaz Minzcuz 5000 lai bi doxdaeuj itloh gyaepgouz caeuq swncienz, ndaw lwed Cunghvaz Minzcuz mbouj miz gij goekrag ciemq bouxwnq、guhvuengz guhyak. Cunghgoz Gungcanjdangj haeusim minghyinh roennaj vunzloih, caeuq sojmiz gij rengz cinbu gwnz seiqgyaiq dazfwngz baenaj, Cunghgoz itloh dwg bouxhwnjguh seiqgyaiq doxhuz、bouxokrengz hwngfat daengx lajmbwn、bouxhenhoh cizsi gozei!

——Gij gangjvah Siz Ginbingz youq Aen Hoih Angqhoh Cungguk Gungcanjdangj Laebbaenz 100 Hopbi

和平、和睦、和谐是中华民族 5000 多年来一直追求和传承的理念，中华民族的血液中没有侵略他人、称王称霸的基因。中国共产党关注人类前途命运，同世界上一切进步力量携手前进，中国始终是世界和平的建设者、全球发展的贡献者、国际秩序的维护者！

——习近平 2021 年 7 月 1 日在庆祝中国共产党成立 100 周年大会上的讲话